

## SASTANAK PREDSJEDNIŠTVA GIG-a SR BiH

Održan je sastanak Predsjedništva Saveza GIG-a BiH 26.11.1969. sa dnevnim redom:

1. Upoznavanje Predsjedništva Saveza GIG-a BiH sa Plenuma GIG-a Jugoslavije.
2. Zadaci Saveza GIG-a Bosne i Hercegovine u cilju sprovođenja Kongresnih odluka:
  - a) Izrada teza - "Geodetski i topografski radovi kao sastavni dio projektovanja. Tolerancije geodetskih mjerenja pri realizaciji projekta";
  - b) Primjedbe na teze koje su izradili drugi savezi.
3. Naučno istraživački rad.
4. Stav Saveza GIG-a BiH na predlog o integraciji srednjih tehničkih škola.
5. Tekuća pitanja.

## ZEMLJOTRES U BOSANSKOJ KRAJINI

Na priloženoj karti prikazane su preliminarne granice rasprostranjenosti zemljotresa od 26. i 27. oktobra 1969. godine po intenzitetu na području Bosanske Krajine prema podacima koji su dobijeni od Seizmološke stanice Grdanj - Sarajevo.

Zemljotres intenziteta VIII<sup>o</sup> MCS skale obuhvatio je uglavnom područja opština Banja Luka, Laktaši, Bosanska Gradiška, Bosanska Dubica, Čelinac i Prijedor u ukupnoj površini od oko 1.900 km<sup>2</sup>. Razornije dejstvo zemljotresa zabilježeno je na dijelovima opština Banja Luka, Čelinac, Laktaši i Bos.Gradiška u ukupnoj površini od oko 420 km<sup>2</sup> sa mjestimičnim izuzecima kao što su naprimjer Gornji Šeher i Šehitluci.

Zemljotres intenziteta VII<sup>o</sup> MCS skale zahvatio je područje 14 opština u ukupnoj površini od oko 8.100 km<sup>2</sup>. I na ovim područjima ustanovljen je mjestimično stepen razornijeg dejstva kao na primjer u Mrkonjić Gradu, Jajcu i Prnjavoru.

Zemljotres intenziteta od VI<sup>o</sup> i manje od VI<sup>o</sup> MCS skale obuhvatio je susjedna šira područja /osim područja Konjuha i Ozrena/ čije granice nisu još utvrđene.

Detaljniji podaci o stepenu intenziteta na pojedinim područjima biće naknadno obrađeni i objavljeni od Seizmološke stanice Grdanj - Sarajevo.

